

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**Prijedlog**

**ODLUKA**

**O PRIHVATANJU ZADUŽENJA PO SPORAZUMU O ZAJMU I  
PROJEKTU IZMEĐU BOSNE I HERCEGOVINE I KREDITANSTALT  
FÜR WIEDERAUFBAU (KfW) ZA REALIZACIJU PROJEKTA  
“VJETROPARK PODVELEŽJE”**

**Sarajevo, oktobar 2013. godine**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10) Predstavnički dom Parlamenta Federacije Bosne i Hercegovine na \_\_\_\_\_ sjednici održanoj \_\_\_\_\_ godine i Dom naroda Parlamenta Federacije Bosne i Hercegovine na \_\_\_\_\_ sjednici održanoj \_\_\_\_\_ godine d o n o s i

## **ODLUKU**

### **O PRIHVATANJU ZADUŽENJA PO SPORAZUMU O ZAJMU I PROJEKTU IZMEĐU BOSNE I HERCEGOVINE I KREDITANSTALT FÜR WIEDERAUFBAU (KfW) ZA REALIZACIJU PROJEKTA "VJETROPARK PODVELEŽJE"**

#### **I**

Prihvata se zaduženje Federacije Bosne i Hercegovine (u daljem tekstu: Federacija) po Sporazumu o zajmu i projektu između Kreditanstalt für Wiederaufbau (u daljem tekstu: KfW) i Bosne i Hercegovine (u daljem tekstu: BiH) u iznosu od 65.000.000,00 EUR za realizaciju Projekta „Vjetropark Podveležje“.

#### **II**

Sredstva zajma iz tačke I ove Odluke koristit će se za izgradnju Projekta „Vjetropark Podveležje“. Primarni cilj projekta je diverzifikacija energetskih resursa, kontinuirano snadbijevanje kupaca električnom energijom, praćenje porasta električne energije i zadržavanje izvoznog trenda.

#### **III**

Sredstva zajma iz tačke I ove Odluke, odobravaju se Federaciji pod slijedećim uslovima:

- iznos zajma.....65.000.000,00 EUR-a
- rok otplate.....15 godina
- grace period.....3 godine
- naknada za neiskorištena sredstva.....0,25 % godišnje
- kamatna stopa.....fiksna (zbir efektivnih troškova finansiranja koje napravi KfW) najmanje 1% godišnjem nivou, a najveća ciljana iznosi 2,5%
- naknada za upravljanje zajmom je.....0,5 % jednokratno
- dospijeća.....polugodišnje u jednakim otplatama glavnice
- datum plaćanja glavnice i kamata.....30. mart i 30. septembar svake godine
- iz kreditnih sredstava se ne mogu plaćati carine, porezi i druge dažbine

#### **IV**

Potvrđuje se da je razmatrana dokumentacija prihvatljiva za Federaciju, a posebno:

- Zapisnik sa pregovora,
- Nacrt Sporazuma o zajmu i projektu između KfW, BiH, Federacije i JP Elektroprivreda Bosne i Hercegovine d.d. Sarajevo;

## **V**

Sredstva zajma iz tačke I ove Odluke Federacija će na kreditnom osnovu prenijeti na JP Elektroprivreda BiH d.d. Sarajevo, koja je krajnji korisnik i dužnik po zajmu.

U periodu implementacije Projekta, u budžetu Federacije nije potrebno osigurati finansijska sredstva za dodatno sufinansiranje Projekta.

## **VI**

Zadužuje se Federalno ministarstvo finansija-Federalno ministarstvo financija da sa JP Elektroprivreda BiH d.d. Sarajevo usaglasi i sklopi odgovarajući Podugovor o zajmu i projektu kojim će, u svrhu redovne otplate, definirati uslove vraćanja sredstava koja se prenose na kreditnom osnovu.

## **VII**

Daje se saglasnost za zaključivanje Supsidijarnog sporazuma između BiH i Federacije, Podugovora o zajmu i projektu između Federacije i JP Elektroprivreda BiH d.d. Sarajevo za sredstva iz tačke I ove Odluke.

Za potpisivanje Supsidijarnog sporazuma i Podugovora o zajmu i projektu, ovlašćuje se federalni ministar finansija - federalni ministar financija.

## **VIII**

Za realizaciju ove Odluke i izvještavanje zadužuju se Federalno ministarstvo finansija - Federalno ministarstvo financija, Federalno ministarstvo energije, rudarstva i industrije i JP Elektroprivreda BiH d.d. Sarajevo, svako u okviru svoje nadležnosti.

## **IX**

Implementacija Sporazuma iz tačke I ove Odluke ne zahtijeva donošenje novih ili izmjenu postojećih zakona.

## **X**

Ova Odluka stupa na snagu narednog dana od dana objavljivanja u "Službenim novinama Federacije BiH".

## O B R A Z L O Ž E N J E

### Pravni osnov

Pravni osnov za donošenje ove Odluke sadržan je u članu 40. stav 4. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br: 86/07, 24/09 i 44/10), koji propisuje pitanja vanjskog zaduženja Federacije i procedure za zajmove. Izmjenom Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 44/10) u članu 40. stav 5. predviđeno je da Vlada Federacije Bosne i Hercegovine nakon prihvatanja nacrta kreditnog sporazuma i utvrđivanja Prijedloga odluke, istu dostavlja Parlamentu Federacije BiH na usvajanje.

### Razlozi za donošenje

Donošenjem ove Odluke stvara se osnov za potpisivanje Supsidijarnog sporazuma između BiH i Federacije Bosne i Hercegovine, a zatim će Federacija BiH sredstva zajma dalje proslijediti JP Elektroprivreda BiH d.d. Sarajevo kao krajnjem dužniku i korisniku kredita Projekta „Vjetropark Podveležje“.

Sredstva zajma namijenjena su za realizaciju Projekta „Vjetropark Podveležje“ koji podrazumijeva instalaciju 16 vjetroturbina IEC klase II i visine stuba 80 metara, kapaciteta od 2-2,5 MW, sa životnim vijekom najmanje 20 godina i godišnjom proizvodnjom energije do 86 GW/h. Provođenjem ovog Projekta očekuje se: diverzifikacija energetske resursa, kontinuirano snadbijevanje kupaca električnom energijom, praćenje porasta električne energije i zadržavanje izvoznog trenda, otvaranje novih radnih mjesta tokom i nakon izgradnje, ekonomski rast u BiH i doprinos zaštiti globalne klime sprečavanjem emisija ugljika.

### Obrazloženje pojedinih tačaka

**Tačka I** je nužna kako bi se prihvatio zajam koji se realizira putem Kreditanstalt für Wiederaufbau, Frankfurt na Majni.

**Tačkom II** potvrđuje se namjena utroška sredstava zajma.

**Tačkom III** precizirani su uslovi zajma.

**Tačkom IV** potvrđuje se da je dokumentacija parafirana tokom pregovora sa KfW-om prihvatljiva za Federaciju BiH, što je uslov da Bosna i Hercegovina i KfW pristupe potpisivanju Sporazuma o zajmu.

**Tačkom V** se definira način implementacije Projekta, te da nije potrebno osigurati dodatna sredstva u Budžetu Federacije za ovu namjenu.

**Tačkom VI** se definira obaveza Federalnog ministarstva finansija-Federalnog ministarstva financija da sa JP Elektroprivreda BiH d.d. Sarajevo usaglasi i sklopi odgovarajući Podugovor o zajmu i projektu.

**Tačkom VII** daje se saglasnost za zaključivanje Supsidijarnog sporazuma o zajmu sa Bosnom i Hercegovinom, Podugovora o zajmu i projektu između Federacije sa JP Elektroprivreda BiH d.d. Sarajevo i ovlaštenje federalnom ministru finansija - federalnom ministru financija da u ime Federacije potpiše iste.

**Tačkom VIII** u okvirima nadležnosti definira se obaveza za realizaciju Odluke i izvještavanje.

**Tačkom IX** se potvrđuje da za implementaciju Sporazuma o zajmu i projektu nije potrebno donijeti nove ili izmijeniti postojeće zakone.

**Tačka X** propisuje stupanje na snagu ove Odluke.